

Schnitzelbank 2014

Dä Männerchor Chaltbrunn isch lustig und fidel
Das häsch chönä am Chränzli - und im Altersheim gseh
Der Wolfram bringt Läbä und Bewegig is Hus
I`der Hosä - das gseht mer - hät er öbä - ä Lus
Halli.....

Am Muusigständli - s`letschi Jahr
Sitzt ufem Chiläplatz - aus Hirsche Wirtepaar
Sie luget ganz trurig in Hirschä ufe
Det tuet mer jetzt Chärzli - statt Strom verbruche
Hlli.....

Im Altersheim z`Chaltbrunn - goht der Pleitegeier ume
Drum tuet mer ganz flissig an der Pris umeschrube
S`Ässa vertürt sich - um fascht drissig Prozänt
Drum gang gschieder in Speer - für weniger Gäld

Dä Gmeindname vo Chaltbrunn - isch überall präsent
Au im Fernseh - drum kännt ihn - die ganzi Wält
Bim Kilchsperger sinnerä Jassschau - im November s`letscht Jahr
Singt där Markus mit em Howard Carpendäl - gar erstä Tenor

Mit em Auto i d`Schuel – scho die Chliinste chänd,
so wärded sie uf em Wäg nöd vergrämt.
Au d`Sportler die mached – das alles naa,
Doch bitte lönd d`Absperrstei – s`nächstmal stah.

D`Fäderi Kaltbrunn – im Tierschutz ganz gross,
Det händ Hund und Chatz - ihres grossi Los
I`der Talweid - dünts uf der Hompag usschriebä,
Sächs Wohnigä für Hünd und Chätzli – betriebä.
Halli Hallo.....

Dä Jörg i`der Dorfbruck – en supper guete Choch
Hät vum Johrmährt – im Pormonai vielleicht äs Loch
Er möcht churz entschlossä – no d`Schnitzelbänker zum singä
Doch di tünd bi Ihm - kei Sprüchli me bringe
Halli Hallo.....

I där Nacht im April – häts grumplet und kracht
Än Betonzug hät - a der Hofstrass Halt gmacht
Am Egli sin Rebberg - kännt Jede im Dorf.
Det händs sicher für d`Stägä - dä Beton no brocht.
Halli Hallo.....

Melodie: Gruppe Rüegg
Bin gäng dä plogeti Hansli gsi.....